



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Militarivm Ordinvm Origines, Statvta, Symbola, Et Insignia, Iconibus, additis genuinis**

**Mennens, Frans**

**Maceratae, 1623**

Militia Bandæ, & Scamæ apud Hispanos, & Calzæ apud Venetos.

**urn:nbn:de:hbz:466:1-10718**

Benedictus XIII. & Martinus V. tabulis suis confirmarunt Censu isto Equites, etsi cæteris impares, virtute certè bellica aduersus Mauros littora Valentina infestantes, non inferiores existere, castitatemque omnes profectos ad sua vsque tempora adfirmat Hier. Romanus. Primique qui illum infregit, fuit Cæsar Borgia Magister ordinis XI. Summis Pontificibus certas ob causas indulgentibus. Solet autem, vt idem Romanus ait, Magister Ordinis, decori, & prærogatiuæ augendæ: Crucem quidem rubeam in veste, sed maiorem certis ad brachia punctis distinctam: ipsum verò collegium in vexillis militaribus Cruces viridi nigroq; colore exornatas præferre, etsi in clypeis aureis simplicem, & planam illam Crucem retinere conspiciatur.

*Io. Azorius  
lib. 13. c. 3.  
4. 5.*

*Insignia  
Magistri  
Ordinis.*

**EQVITVM CHRISTI ORDO**  
apud Lusitanos.



**D**ionysius cognomento Perioca Portugallie Rex, Alfonsi X. Castellæ Legionisque Regis nepos, nouam militiam *De Portugallo* vulgò nuncupatam, & cui à Christo nomen est, eoque regni hodie nobilissimam, & Cruce rubra alia candida interfecante distinctam, in atro amictu constituit. Ioannes verò XXII. Papa D. Benedicti regulam an. 1320. præscripsit, Legesq; quibus sub Christo militare tenerentur, conditas,

*Insigne Equitum Christi.*

1320.

vulgari postea Lusitanorum lingua, cum reliquis ordinis priuilegijs edit Dominus Damianus Conuentus Tomariensis Prior & eiusdem ordinis Præfectus generalis. Primò autem Equitum Magistro Ægidio Martino, Auiforum quondam instituti militi ad Castrum Marinum. Eluenfis diocesis oppidum sedes attributa; exinde Tomarium migratum, militibusque omnia bona Templariorum nuper sublato annuente Rege, & Pontifice, quò liberius militiae Christi contra Mauros Beticam incolentes vacare possent cessere. Quorum incredibilem virtute factum, vt Lusitanorum imperium in Oriete fundatum, omnes prouinciæ, & oppida, tam in Asia, Africa, Brasilia, & alijs Occidentis partibus (quo nomine Reges Portugallie Sphæram in insignibus prætendunt, vt regum suum in quatuor orbis angulos extendi significant) Christiano nomini acquisita, & huic ordini annexa, Magistri vectigal quotannis centum aureorum millibus auerent. Is quotiescunque ordo moderatore, & Præfecto careret, à tredecim præcipuis Equitibus electus cõscribendi, & exautorandi milites facultatem habebat, quousque magisterium ordinis perpetuo iure ad ipsos Lusitanie Reges, & successores; adeoque ad ipsum Philippum III. Hispaniarum Regem aucturitate delatum. Militibus porò Alexandrum VI. P. M. potestatem ducendi vxores concessisse scribit Hieron. Conestagius in tractatu suo de Portugallie coniunctione cum regno Castellæ.

*Hier. Osor.  
li. 1. de reb.  
Emanuel.*

*Phil. Bergom.  
li. 13.*

**MILITIA BANDÆ,**  
& *Scamæ* apud Hispanos, &  
*Calzæ* apud Venetos.

**O**btinuit, & olim mos in Hispania inter Equites tyrones vigilandi, antequam ad id dignitatis cooptarentur; vti testatur Hieronymus Romanus, de institutione militum Bandæ, ab Alfonso XI. Castellæ Rege

G in

1332.

Banda militum insignia.

An. 22.  
C. 48.Bib. 4. c. 7.  
An. 15. c.  
232.  
An. 31. c.  
308.

in ciuitate Victoria, antequam regni insignia capefferet, erecta, & non multo post in Vrbe Burgesi celebrata. Vbi pridie ceremoniarum in monasterio S. Mariæ Regalis, quisque tyronum à Rege conductus, ad altare suum depositis armis totam noctem vigilijs, orationibusque transegit, posteroque die sub Mislarum solemnij ab eodè tanquam ab ordinis præside militari baltheo, seu tenia rubra. Banda vulgo dicta, & quatuor lata digitos, quæ à dextro humero sub sinistro brachio corpori circumduceretur, honoris ergo donatus est. Quam & pardi nonnumquam fuisse coloris, apparet ex historia Regis Ioannis II. vulgari lingua conscripta. In eumque numrum iuentunis excitandæ gratia, solummodo adlecti nobiles natu minores, & armigeri; qui adeo opima patrimonia non possiderent, quique decem minimum annis in castris, aulaque versati essent, exclusi filijs maioribus. Et quia rege ipsi honoris id insigne gestare non dedignabatur; eò fiebat, vt nobilitas ad res arduas capeffendas incendereur, magnoque in pretio ordo ille dudum haberetur: ob heroicæ nempe quibus fulciebatur, constitutiones. Quas recitat Antonius Guevarra Mōdonedi Episcopus (qui de Equite, ac de officio ducis in bello luculentum conscripsit librum) in epistola ad Petrum Fimentelium Comitem Beneuentanum: & Franciscus Sansouinus, qui seriem etiam Equitum primis auspicijs adlectorum, ex ordine recenset.

Subsequenti verò ætate in desuetudinem abiisse prodit Antonius Garibaius; Regnante attamen Rege Ioanne, adhuc floruisse ex eiusdem constat historia. Cum enim Sigisfinudus Imp. Schismatis causa Perpinianum venisset, nonnulli ex eius comitatu Principes Lusitaniam Castellam, vicinasque prouincias visendi desiderio adierunt; Comes nimirum Armeniacus, Vicecomes Saonenfis, Dux Briensis Polonus, & Tribunus Equitum Pannoniæ, qui omnes a Rege Ioanne honorario

Banda insigni condecorati sunt.

Excitauit, & Ioannes II. Castellæ Rex ordinem Equitum de la Scama, cuius insigne, aut quid esset La Scama; diligenti habita inquisitione curiose se indagasse, nec tamen eius potuisse reperire rationem, testatur Hieronymus Romanus: etsi non diffiteatur eundem Regem, Moysen Dicum de Valera rebus in Germania gestis illustrem hoc militari signo donasse: itemque Ciliæ Comitem in Bohemia, cui & alia quatuor eiusdem notæ collaria, inter primarios suos nobiles distribuenda, elargitus est.

Exemplo Sodalitij militum Bandæ erectum est eadem ætate apud Venetos, collegium Equitum de la Calza, eiusdem plane, quibus Banda, conditis legibus nobile, in quod non nisi ingenuos, & illustri sanguine natos à Duce, Senatuque cooptari fas esset. Hoc porro institutum anno 1562. renouatum, priuilegijs, alijsque ad decorem rebus, illustratum, ait Leonardus Florauantius in speculo suo scientiæ vniuersalis; Magistrumque ordinis præminentia dignitate Dominum appellari solitum. Cuius quidem insigne hactenus noscere non potuimus; hoc constare scimus, vti & nobis reculit doctissimus Andreas Ettenius, politioris omnis literaturæ tum rei anatomicae in primis, adeoque vtriusque medicinae laude ornatissimus, præstantes plerosque viros, rebus domilitiæque gestis insignes à Duce, Senatuque Veneto in Equestrem dignitatem adscribi; & torque aureo cui D. Marci (numen illius Veneti præcipuum habent) siue Leonis alati effigies, cum elogio; Pax tibi Marce, cæterisque Principatus eius insignijs inest, donari. Vti & apud Genueses honorarij, Reipublicæ illius Equites, D. Georgij tutelaris tessera (quæ crux plana est rubei coloris)

insigniri solent. Lege ordinem D. Georgij à Friderico III. Imp. institutum.

O R D O

Equites  
Scama.Hist. Ioan.  
nis 1. an.  
no 30. c.  
37.Ordo Equi-  
tum de la  
Calza a-  
pud Ve-  
netos.S. Marci  
Equites.  
Eorum in-  
signia.  
Equites D.  
Georgij a-  
pud Ge-  
nuens.